

ÅRSMELDING 2022

LUSTER FRIVILLIGSENTRAL



Luster Frivilligsentral
Postadr.: Postboks 26, 6866 Gaupne
Tel.: 45 66 59 54
E-post: post@luster.frivilligsentral.no
Kontor: Friskhuset,
Øyagata 16, Gaupne

Innleiing.

Året 2022 har vore eit spesielt år då det har vore Frivillighetsåret med fokus på frivillighet, samskaping og gjennomføring av «Sykkelturen» og «VÅR DAG».

Styret i Luster Frivilligsentral (LFS) kan også melde om nokre nye aktivitetar i år.

Nye aktivitetar og aukande engasjement kan knyttast opp til covid-19 og prioritering av aktivitet for barn og unge. I år har sentralen mottatte mange økonomiske gaver som har gjort det enkelt å starte opp nye aktivitetar.

Ved årsslutt driv sentralen fleire ulike aktivitetar ut mot ei brei målgruppe. Fleire aktivitetar blir drivne i samarbeid med Luster kommune og andre lag/organisasjonar.

Styret har hatt 6 styremøter og 36 handsama saker.

Eigarar av sentralen er i dag Luster revmatikarforeining, koret LaJoMa, Gaupne helselag og Luster kommune.

Styret i 2022 har vore samansett slik:

Jostein Melheim (privatperson), leiar

Britt Veum Hauge (Luster kommune), nestleiar

Helga Julie Kvitle (LaJoMa), styremedlem

Astrid Martinsen (Luster Revmatikarforeining), styremedlem

Liv Helen Nystuen (Gaupne helselag), styremedlem

Jostein Melheim takka av som styreleiar 21.11.22.

I mellomtida er Britt Veum Hauge konstituert som styreleiar inntil ny leiar er på plass.

Aktivitetar og prosjekt i 2022.

Seniordata og «seniornettklubb».

Det er i dag ingen aktiv seniornettklubb i Luster.

Prosjektet «Digidel» som LFS var ein del av er avslutta for nokre år tilbake.

Pr. i dag er det kun kommunesenteret Gaupne som har ein aktiv datakafé.

Denne heiter «Datahjelpa i Gaupne» og blir drifta av 2 privat personar med støtte frå Luster kommune.

Sommaraktivitet for ungar – FriMoro og SommarMoro.

LFS har vore ein av samarbeidspartnarane i det populære tilbodet FriMoro i juni i mange år.

Folkehelsestenesta i Indre Sogn samarbeider med fleire lag og organisasjonar om å arrangere dette tilbodet, som byr på ei rekkje friluftaktivitetar. For 2 dagar er arenaen Parken i Gaupne. I år vart det gjennomført 5 dagar med aktivitetar for barn/unge grunna tildeling av økonomiske midlar frå Gjensidigestiftelsen. Ungar frå 4-7. klasse fekk 4 aktivitetsdagar. 2 dagar i Parken og 2 dagar med rafting og brevandring/kajakpadling. Ungdomar frå 8-10.klasse fekk 2 aktivitetsdagar med rafting/paintball.

Om lag 170 barn/ungdomar deltok på desse aktivitetane sommaren 2022.

Dagtilbod for eldre heimebuande/seniortreff.

I samarbeid med Luster kommune og frivillige driftar LFS eit dagtilbod for eldre heimebuande.

Dagtilbodet for eldre heimebuande held i utgangspunktet til på Gaupne omsorgssenter v/aktivitetsstova.

Det har vore 16 seniortreff i 2022.

Det blir organisert skyss for dei som har behov for dette. Her nyttar ein ATS eller Lustrataxi.

Det har ikkje lukkast å rekruttere frivillige til å påta seg transportoppdrag.

Prosjektet «Sykling utan alder».

LFS er eigarar av 3 sykklar som står tilgjengeleg til bruk på dei 3 omsorgssentra i kommunen. Også i år har Luster Lions jobba målretta med å tilby opplæring til frivillige og tilsette ved omsorgssentra.

I dag er det om lag 70 personar som er godkjende sykkelpilotar.

Målsetjinga dei siste åra har vore å auke bruken av syklane, og ulike tiltak har blitt satt i verk utan å lukkast. Syklane blir dessverre altfor lite nytta.

Konklusjonen her er at det må lagast ein handlingsplan i samarbeid med leiarane på omsorgssentra for å få syklane på dagsorden blant dei tilsette og pårørande. Dette tiltaket har dessverre ikkje blitt prioritert i år.

Oppstart nye aktivitetar/arrangement:

- Den store klesbyttedagen vart gjennomført laurdag 26.mars i samarbeid med Luster husflidslag som stilte med «Fiksarlaug». Målsetjinga med arrangementet var fokus på ombruk, reparasjon av klede og den store ureininga som kjem frå klesindustrien. Eit arrangement som skapte stort engasjement blant mange og me fekk inn over 300 klesplagg. Over 200 av desse klesplagga fekk nye eigarar. Fiksarlauget fekk ulike oppdrag med særleg symaskina.
- Arrangement knytta opp til Verdsdagen for psykisk helse. Eit samskappingsprosjekt mellom LFS, Luster kommune-rådgevar Folkehelse, biblioteket, psykisk helse, Gaupne helselag og Folkeakademiet Luster. Prosjektet «fysisk aktivitet for psykisk helse» hadde fokus på livskvalitet, tidleg innsats og forebygging av psykiske plager. Det vart gjennomført eit opplegg for elevar ved ungdomsskulen der Yngvar Andersen holdt eit foredrag og aktivitet knytta opp til prosjektformuleringa. Vart avslutta med innlegg og aktivitet for brukarar og fagfolk på Gaupnetunet. Alle elevar ved ungdomsskulane vart samla i samfunnshuset på Hafslo. Oppmøte på Gaupnetunet var overveldande og lokalet var stappfullt med over 100 oppmøtte.
- Symjekurs for kvinner. I oktober – desember vart det arrangert gratis symjekurs på Lustrabadet for kvinner og jenter på ungdomsskulen og eldre. Målsetjinga med kurset var å redusere risiko for badeulukker og sikre at deltakarane kan ferdast trygt ved vatn og sjø. Det var utfordrande å rekruttere frivillige til å hjelpe på kurset, men det løyste seg etterkvart då ein gjeng med bade glade damer frå Hafslo meldte seg som frivillige. Symjeinstruktøren meldte seg tidleg då tilbodet vart annonsert i Sogn Avis. Tilbodet vil fortsetje utpå nyåret.

Aktivitetar i regi av Frivilligheitsåret 2022:

- Markering av «VÅR DAG» til Gaupne helselag, laurdag 7.mai. Eit samarbeid mellom Gaupne helselag, LFS, Bergrosa 4H og Gaupne skule- og ungdomskorps. Arbeidsoppgåver vart fordelt og LFS fekk ansvar for å hjelpe med søknad om økonomiske midlar og bestilling av underholdning. Askeladden friteater kom og underholdt frå scena. Ein fantastisk dag med samskaping og markering av helselaget sin dag i Parken.

- Markering av «VÅR DAG» til LFS, laurdag 21.mai. Markeringa skjedde på Pyramiden senter med muffins og jubileumskake. Elevar frå Luster ungdomsskule med valfaget «Innsats for andre» hjalp oss med pynting og baking.
På torget vart aktivitetane til LFS presentert via bilete og tekst. Mykje folk innom for å snakke med oss og me fekk gitt ut informasjon om Frivilligsentralen og våre aktivitetar.
- Markering av sykkelturen.
Vestland var tildelt sykketappar i juni månad.
Me hadde sykketappe frå Balestrand – Leikanger – Sogndal fredag 24.juni.
Mykje arbeid var lagt ned i forkant med planlegging av sykketappar, rekruttering av pilotar, frivillige, underholdning, mat, musikk.
Ei fantastisk sykketappe vart gjennomført fredag 24.juni i nydeleg sol og blå himmel. Ein dag me alle kjem til å hugse og der vår ordførar Ivar Kvalen stilte opp og representerte Luster kommune.

iNNi Luster 2022 (informasjon – nettverksbygging – naboskap – integrering).

LFS held fram med ymse tiltak for målgruppa flyktningar som er busette i kommunen.

- Luster frivilligsentral tilbyr leksehjelp 1 dag pr. veke til elevar som går på ungdomsskule og vidaregåande skule. I år har me hatt fleire elevar frå vidaregåande skule. Grunna ledig kapasitet har me opna opp for at elevar frå barneskule kan nytte seg av leksehjelp.
Positivt at me har rekruttert inn ny yngre leksehjelpar.
Leksehjelpa har i heile 2022 vore drifta kvar måndag frå kl. 16-19, men unntak av feriar.
- «Kom deg ut dagen» i samarbeid med Luster turlag/Barnas turlag vart gjennomført søndag 5.februar på Sogn skisenter/Heggmyrane. Grunna smittevernreglar vart det ikkje satt opp buss tur/retur. Dette førte til at målgruppa flyktningar var dårleg representert. Kun dei med eigen bil møtte denne dagen. Bruk av kollektivtransport er vanskeleg i helgar.
- Jobbsøkarkurs for ungdomar.
LFS har over fleire år rettleia ungdomar ved leksehjelpa til å søke sommarjobb. I år som i fjor vart dette samarbeidet utvida til å gjelde alle ungdomar i alderen 16-25 år som hadde behov for slik hjelp.
I samarbeid med NAV Luster tilbød me jobbsøkarkurs i vinterferien for ungdomar som ynskte sommarjobb. Fleire ungdomar fekk hjelp til dette og tilbakemeldingar viste at fleire av dei fekk den sommarjobben dei hadde søkt.
- LFS og Luster Røde Kors har tidlegare samarbeida om Til Topps-arrangementet. Også i år var arrangementet på Skei. Saman med Luster Røde Kors vart det bestemt at me ynskte å støtte opp om lokalt arrangement «Molden Opp» som var same dag, laurdag 18.juni.
I forkant av «Til Topps» arrangementet vart det gjennomført 7 treningsturar i mai/juni i nærmiljøet. Dessverre var det svært dårleg oppmøte på treningsturane i forkant.
Dei frivillige gjekk for det meste åleine.
Målgruppa arbeidsinnvandrarar/flyktningar/innvandrarar uteblei.
«Til Topps» arrangementet vart gjennomført laurdag 18.juni med privatbil frå Gaupne til Krossen på Mollandsmarki. Turen gjekk frå parkeringsplassen på Krossen og opp til Molden. Alle nådde toppen men vèrgudane var ikkje med oss denne dagen. Det var sol, regn og snø på toppen.
Arrangementet vart avslutta med felles middag på Marifjora kafè og premieutdeling i hagen til Tørvis hotell.
Det var kun 3 personar som deltok på «Til Topps».

- Søndag 4.sept. var det på nytt «Kom deg ut dag» i samarbeid med Luster turlag/Barnas turlag. Turen gikk til Langholmen som ligg i Hafslovatnet. Været var aldeles nydeleg med sol og blå himmel. Det var satt opp busstransport frå Gaupne denne dagen og me fylte heile bussen (16 setar).
Alle vart transportert med båt over til Langholmen (båt m/påheng). Nokon opplevde dette litt utfordrande pga traumer frå tidlegare, men alle kom seg over tilslutt.
På Langholmen var det natursti, grilling av pølser på bål, fisking, padling i PackCraft båtar og kajakkar.
Det møtte mange frå målgruppa flyktningar.
Oppmøte denne dagen var om lag 60 personar med smått og stort.
- Søndag 11.sept. arrangerte LFS og Luster Røde Kors lokal familiedag.
I år valgte me å reise inn til Bjørkehaugen gard i Fortun for å besøke Bente og Torkjell Sollesnes. Her fekk me helse på mange dyr, ri på hest/ponni.
Dette arrangementet fekk økonomisk støtte frå Sogn og Fjordane Røde Kors.
Arrangementet var eit tilbod til alle familiar og andre som er busette i Luster.
Det vart satt opp 52 seters buss frå Hafslo til Fortun tur/retur.
Dessverre var det kun 25 personar som nytta seg av transporttilbodet. Nokre familiar køyrde med eigen privatbil.
Det var minst 50 frammøtte med stort og smått.
- Internasjonal dag/FN-dagen vart ikkje gjennomført.
- Haustaktivitetar vart arrangert for andre gong i samarbeid med Luster kommune.
Eit aktivitetstilbod for barn/unge frå 4.steg - VG3 i haustferien..
Gruppa 4.-7.steg fekk tilbod om aktivitetar i Idrettshallen og Lustrabadet.
Gruppa 8.-10.steg fekk tilbod om klatring i Sognahallen i Sogndal ilag med ungdomsgruppa der ute.
Gruppa 8.steg – VG3 fekk tilbod om LAN/gamenight på Luster ungdomsskule.
Tilboda hadde avgrensa plassar og var gratis. Eit populært innslag i haustferien.
Nærare 100 barn/ungdomar deltok i Haustaktivitetar.
Målsetjinga framover er å gjennomføre gratis aktivitetar for barn/unge i vinterferie, sommarferie og haustferie.
- VinterMoro vart arrangert for første gong i samarbeid med Luster kommune.
Eit aktivitetstilbod for barn/unge frå 4.steg – 10.steg. Gruppa 4-7.steg fekk tilbod om vinterdag på Sogn skisenter og 8-10.steg fekk gaming, klatring og hallaktivitetar i Campus i samarbeid med ung.d.avdelinga i Sogndal. Nærare 100 barn/unge deltok på vinterMoro.
- FTU Luster (Friluftsliv tilrettelagt for utviklingshemma)
Ein aktivitet som er i samarbeid med Luster Turlag og NFU Luster lokallag. Oppstarten skjedde oktober 2020 som var særskild ideelt med tanke på nedstenging av dei fleste sosiale aktivitetar. Tilbodet er blitt teke godt imot og det er mange påmelde til aktivitetane.
I 2022 har det vore gjennomført 9 aktivitetsskveldar.
Det er søkt om økonomiske midlar til gjennomføring via miljødirektoratet, Vestland fylkeskommune. Statsskog tildelte også kr. 5.000 til innkjøp av aktivitetsutstyr.

FRAM i Luster.

Dette prosjektet starta opp i 2015. Føremålet med prosjektet er å bidra til at sosialt og økonomisk vanskelegstilte kan få relevant informasjon og assistanse til å bli betre inkludert innanfor spesifiserte samfunnsarenaer og i arbeidslivet, slik at dei kan oppnå betre livskvalitet og ein tryggare økonomisk livssituasjon. Det blir også lagt sterkt fokus på utanforskap. Målsetjinga er difor langsiktig.

Flyktninggruppa er definert som ei viktig målgruppe i prosjektet, særleg personar og familiar som er i ein sårbar situasjon. Me har lagt vekt på å skape gode tiltak for barnefamilier, slik at born i flyktningfamilier kan få høve til å bli med på aktivitetar som er vanlege for norske born.

- A) Hausten.16 vart det starta opp eit samarbeid med elevar ved Luster ungdomsskule som hadde valfaget «Innsats for andre». Dette samarbeidet var kvar fredag. Målsetjinga har vore å drifte bruktbutikken som låg ved Friskhuset i sentrum av Gaupne. Målgruppa for bruktbutikken er ikkje kun flyktningar, men alle innbyggjarar i Luster kommune som kunne ha nytte av eit slikt tilbod. Det er også eit sterkt fokus på miljø og ombruk. Samarbeidet med Luster ungdomsskule (LUS) vart ikkje forlenga frå hausten 2020 grunna flytting av bruktbutikken i sept.20. Bruktbutikken vart flytta til lokale i Pyramiden senter. Samarbeidet med LUS og valfaget «Innsats for andre» vart teke opp igjen hausten 2022. Bruktbutikken har i dag ca. 20 frivillige som held butikken open kvar torsdag og fredag kl. 12-17 og laurdag kl. 12-15. Personar i arbeidspraksis via NAV Luster har vore ein god ressurs i arbeidet med å vidareutvikle bruktbutikken. Det siste halve året har bruktbutikken hatt person i språkpraksis. Noko som har vore lærerikt for oss alle saman. Bruktbutikken har eit overskot å vise til. Inntektene går inn igjen i frivilligsentralen og blir nytta til ulike aktivitetar/arrangement åleine men gjerne i samarbeid med andre lag/organisasjonar. Utfordringa på sikt vil vere den høge husleiga ved Pyramiden senter.
- B) «Kvinnegruppa» vart starta opp som eit tilbod til flyktningkvinner som var heime etter barnefødsel eller på grunn av sjukdom/skade. I denne situasjonen hadde dei ikkje noko tilbod om norskopplæring. Frå hausten.17 har ikkje kvinnegruppa vore i drift grunna manglande kvinner i målgruppa. Gruppa vil bli vurdert starta opp att dersom behovet endrar seg. Dette har ikkje vore aktuelt i perioden 2019-2022.
- C) Opning av Luster utstyrssentral våren 2017. Ein open utstyrssentral der alle skal ha moglegheit for å låne turutstyr gratis. Ved utstyrssentralen er det grunnleggjande turutstyr og skiutstyr. Sentralen blir brukt heile året, særleg av skular. Syklar og ski er det størst utlån av. I sept.20 vart også utstyrssentralen flytta til nye lokale i Pyramiden senter. Dette har ført til ein markant auke av utlån til privatpersonar. Kjøp av utstyr skjer gjennom heile året der ein supplerer utstyrssentralen med nytt utstyr heile tida. Våren 2022 fekk utstyrssentralen tildelt kr. 45.000 frå Sparebankstiftinga Sogn og Fjordane til innkjøp av turutstyr. I dag har Luster utstyrssentral utstyr for ca. kr. 650.000.
- D) Samarbeidsprosjektet «Juleglede i Luster» fortsatte i 2022. Arbeidsgruppa i 2022 har bestått av LFS, Luster Røde Kors, Gaupne helselag, Luster Lions og Kyrkja i Luster. I tillegg har Luster kommune bidrege med ein person i prosjektstilling som har hatt ansvar for koordinering av arbeidet. Målgruppa er fortsatt born mellom 0-18 år.

Målsetjinga med prosjektet er å gjere ein forskjell for dei familiare som opplever julehøgtida som vanskeleg. Her kan foreldre velge personlege gåver til borna eller ei opplevingspakke for familien.

Det vart delt ut 89 personlege gåver til born i alderen 0-18 år og 6 familiar fekk ei opplevingspakke.

Også i år gjekk arbeidsgruppa ut med informasjon digitalt via Luster kommune si heimeside/facebook. I tillegg delte dei ulike organisasjonane via sine digitale sider.

Eit innlegg i Sogn Avis der arbeidsgruppa vart presentert med bilete og informasjon om tiltaket juleglede. Også i Luster nærradio, Lustranytt og kyrkjelydsbladet der ein informerte om tiltaket og oppmuntra bedrifter/næringsliv/privatpersonar til å støtte opp om tiltaket.

I år vart det også sendt ut brev direkte til ulike bedrifter/næringsliv.

Tiltaket har i år motteke svært mange pengegåver frå privatpersonar/bedrifter /organisasjonar/næringsliv. Kollekt frå kyrkja er også motteke.

I tillegg har Juleglede i samarbeid med generasjonsmøteplassen «Go'biten» også i år arrangert juleverkstad ved Gaupnetunet.

I tillegg var bebuarar ved Grandmo miljøteneste gode samarbeidspartnarar. Eit særskilt arrangement med nærare 100 frammøtte.

Kvart år har Juleglede invitert til eit gratis kulturarrangement som t.d. teater. I år vil det bli tryllekunstnar i januar.23.

E) ALLEMED-dugnad - fortsetjing.

Dugnaden konkluderte med to viktige tiltak å arbeide vidare med: kommunal byttedag og «pengekasse» for betaling av kontingent/cup osv.

Frå hausten 2020 har Luster fritidsfond vore tilgjengeleg på Luster kommune si heimeside. Her ligger informasjon og søknadsskjema. Målsetjinga med fondet er at økonomi ikkje skal vere til hinder for deltaking i fritidsaktivitetar i Luster kommune.

Det andre tiltaket «kommunal byttedag» er fortsatt ikkje på plass. Kan i denne samanheng nemne eit alternativt tilbod som er «Bruktbutikken i Gaupne» som blir drifta av LFS.

I prosjektperioden vart det vedteke ein Handlingsplan mot barnefattigdom i Luster kommune 2020-2024.

Prosjektet «ALLEMED-dugnad» er ikkje aktivt.

Samarbeid med Deloitte Sogndal:

Eit nytt samarbeid med næringslivet som har satt frivilligheit på dagsorden. Dei tilsette i Deloitte skal gjennomføre x antal frivilligheitstimar ute i lokalsamfunnet. Dette har LFS opplevd som eit særskilt positivt samarbeid og me har hatt glede av å ha tilsette frå Deloitte som frivillige i nokre av våre aktivitetar. Eit samarbeid me ynskjer skal fortsetje.

Samarbeid med SIMAS:

28.mai opna Luster miljøpark i Gaupne. I denne samanheng vart det underteikna ein intensjonsavtale mellom LFS og SIMAS i samband med «Ombruk av avfallsressursar».

Avtalen gjeld til des. 2023.

Evaluering skjedde rett over nyttår. Begge partar har hausta gode erfaringar i samarbeidet, men me kan sjølvstøtt bli betre på samarbeid og auka ombruk.

Samarbeid med NAV Luster:

Frå juni.22 har Luster frivilligsentral hatt ein person i språkpraksis 2 dagar pr.veke på bruktbuikken.

Frivilligsentralen har tilsett ein person som var i arbeidspraksis 2019/20 i fast 40% stilling.

NAV har tildelt lønnstilskot med 50 % av lønnsutgiftene i 2022.

Prosjekt «Førebyggjande tenester»:

Dagleg leiar har frå april.17 delteke i ei prosjektgruppe knytta opp mot styrking av habilitering og rehabilitering i kommunane. Prosjektet har gradvis glidd over i nye prosjekt kalla «Aktiv alderdom» og «Leve heile livet». LFS sitter i ei arbeidsgruppe knytta opp til aktivitet og transport. Her har det vore gjennomført 1 møte i 2022.

Prosjekt retta mot brukarar med rus og rusrelaterte utfordringar:

LFS er involvert i prosjekt «etablering av ulike og differensierte arbeidsretta tiltak og aktivitetstilbod» retta mot målgruppa. Prosjekt over fleire år.

«Svadlekroken», ein sosial møteplass i Gaupne starta opp 26.sept.2019. Drifta av frivillige og tilsette i rus/psykiatritenesta.

Møteplassen «Svadlekroken» har i 2022 ikkje vore i drift.

Ingen informasjon om framdrift i prosjektet.

Prosjekt «Sogn for alle».

LFS sitter som vararepresentant i styringsgruppa for frivillig organisasjon.

Har ikkje fått nokon informasjon om dette prosjektet. Sitter som passiv vararepresentant.

Fokus på samarbeid med lag/organisasjonar.

Det må også nemnast at det i heile 2022 har vore jobba målretta med å få ein betre dialog med Luster kommune, flyktingtenesta og andre lag/organisasjonar i kommunen. Dette arbeidet fortsetjer ut i 2023 med unnateke flyktingtenesta som ikkje ynskjer noko vidare samarbeid.

Eit samarbeid med Luster Røde Kors har resultert i ulike arrangement som deltaking i «Til Topps», treningsturar i nærmiljøet og familiedag for familiar i Luster.

Samarbeid med Luster turlag/Barnas turlag har resultert i fleire flotte arrangement som t.d. «Kom deg ut dag» på vinter og haust.

Samarbeid mellom Luster turlag/NFU Luster og LFS har resultert i ei friluftslivgruppe tilrettelagt for utviklingshemma i kommunen (FTU Luster). Gruppa har hatt om lag 10 arrangement pr. år.

Eit samarbeid med Luster husflidslag har resultert i «Den store klesbyttedagen» og Fiksarlaug.

Juleglede i Luster fortsatte også i 2022 med gode samarbeidspartnarar som Luster Røde Kors, Gaupne helselag, Kyrkja i Luster, Luster Lions og Luster kommune v/ulike einingar. Her har også andre gode samarbeidspartnarar kome til som generasjonsmøteplassen «Go'biten» og bebuarar ved Grandmo miljøteneste.

Flytting av bruktbutikk og Luster utstyrssentral til Pyramiden senter.

LFS er særst nøgd med flytting av bruktbutikk og utstyrssentral til Pyramiden senter.

I løpet av året 2022 har det blitt lagt ned over 1600 frivilligtimar på bruktbutikken.

Luster utstyrssentral har hatt ein merkar auke på utlån av utstyr til privatpersonar etter flytting, noko som er særst gledeleg. Størst utlån av sykklar og skiutstyr.

Frivilligheitstimar for 2022.

Tiltross for covid-19 og smittevernsreglar har LFS holdt trykket oppe med tanke på frivilligheit og aktivitetar. Frivilligsentralen er også blitt utfordra til å tenkje nytt, noko som har resultert i nye aktivitetar og nye samarbeidspartnarar. Også nye frivillige har meldt seg til oppdrag, noko som er særst gledeleg.

I 2022 har det vore utført minst 1950 frivilligtimar.

Økonomi og drift.

Årsrekneskapen er avslutta med eit overskot på kr. 614.230,-
Driftstilskotet frå Luster kommune var i 2022 på kr. 1.235.000,-
Refusjon for mva. dette året var kr. 92.458,-

Revisjonen er utført av Brita Kristine Bollinberg og Peder Kjærvik.

Etter rekneskapsåret sin utgang har det ikkje skjedd forhold som har innverknad på vurdering av sentralen sin økonomi. Styret er av den oppfatning at årsmelding og årsrekneskap gjev eit fullgodt bilete av verksemda sitt resultat, utvikling og økonomiske stilling.

Styret har hatt to personar tilsett i 2022. Dagleg leiar i 100% stilling og frivilligkoordinator i 40% stilling. Styret vurderer arbeidsmiljøet til å vere godt. Det har ikkje skjedd skadar eller ulukker i samband med utprøvinga av verksemda. Det har vore ein liten auke i sjukefråvær i 2022, men dette er ikkje knytta opp til forhold ved arbeidsplassen. Det er ikkje sett i verk spesielle tiltak i 2022 knytt til arbeidsmiljøet. Styret er ikkje kjend med at det har vore forskjellsbehandling i strid med lov om likestilling mellom kjønna. Likestilling i verksemda er vurdert som tilfredsstillande. Verksemda medfører ikkje skadar på det ytre miljøet.

Evaluering.

Også i 2022 har aktivitetane vore prega av engasjement for dei flyktingane som kommunen tek i mot. Det gjeld både konkrete aktivitetar under prosjektet FRAM i Luster, prosjektet iNNi Luster «Friluftsliv» og leksehjelp for elevar i ungdomsskule/vidaregåande skule.

Vidare utvikling av desse tilboda er ynskjeleg men utfordrande å få til p.g.a manglande samarbeid med flyktingtenesta.

Det må også understrekast at LFS har arbeida målretta mot nye aktivitetar retta mot ulike målgrupper og 2022 viser resultat av dette arbeidet.

Det er svært tilfredsstillande og positivt å sjå at fleire frivillige ynskjer å delta/støtte vårt arbeid.

Gaupne, 23. januar 2023

Britt Veum Hauge

Britt Veum Hauge, konstituert leiar

Liv Helen Nystuen

Liv Helen Nystuen, styremedlem

Helga Julie Kvitle

Helga Julie Kvitle, styremedlem

Astrid Martinsen

Astrid Martinsen, styremedlem

Anita Kjørlaug

Anita Kjørlaug, dagleg leiar